



Footage sa Protesta nga Gipares sa Pro-Duterte Chants

2025-050-FB-UA

Kaniadtong Marso 2025, dili pa dugay pagkahuman nga gidakup si kanhing Presidente Rodrigo Duterte aron atubangon ang mga sumbong sa International Criminal Court (ICC) alang sa giingon nga mga krimen batok sa katawhan, usa ka Facebook user ang nag-share ug usab sa usa ka walo ka segundo nga video. Orihinal kini nga gi-post sa usa pa nga Facebook user ug gipakita ang mga panon sa daghang tawo nga nagprotesta sa dalan, nagdala ug mga karatula ug bandila sa Serbia.

Ang video adunay audio sa mga tawo nga balik-balik nga gi-awit ang "Duterte!" Natugtog usab sa video ang usa ka makabayanong kanta sa Tagalog, "Bayan Ko," nga popular sa panahon sa mga protesta batok sa diktadura ni Marcos. Ang video usab adunay nga text overlay nga nag-ingon, "Netherland." Ang kapsyon sa orihinal nga post nag-ingon, "Netherlands supporters," samtang ang post nagbag-o sa video, nga mao ang hilisgutan sa kini nga kaso, adunay mga pleading-face nga emoji ug walay text. Giklasipikar sa mga fact-checker sa Meta ang susama nga footage, nga pares sa susama nga audio ug gihulagway nga mga protesta sa pro-Duterte, nga "bakak." Ang orihinal nga video footage nagpakita ug usa ka protesta kontra-korapsyon nga nahitabo sa Serbia, kaysa usa ka pro-Duterte rally sa Netherlands, diin nahimutang ang ICC. Dugang pa, ang audio ingon wala 'y kalabotan sa rally nga gihulagway sa video.

Sa dihang gi-post ang orihinal nga video, giila sa usa ka classifier sa Meta nga posible nga posible nga disimpormasyon ang content ug gipasa kini sa third-party nga mga fact-checker para susihon. [Sumala sa Meta](#), ang ilang "teknolohiya maka-detect sa mga post nga lagmit disimpormasyon base sa lain-laing mga signal, lakip na kung gi-flag ba kini sa mga user isip bakak nga impormasyon o kung adunay mga komento nga nagpakita og 'pagduha-duha.'" Ang mga fact-checker ang gabuot kung unsang mga post ang uling susihon, ug sumala sa Meta, wala gi-rate sa mga fact-checker ang orihinal nga post. Paglabay sa mga adlaw, usa ka ninggamit ang nagtaho sa sulud nga



nag-usab sa orihinal nga post. Base sa mga [giya niini alang sa paghatag ug prioridad sa mga reviwe](#), wala susiha sa Meta ang content, ug naa gihapon ni sa Facebook.

Pagkahuman gipahibalo ang desisyon sa Meta nga dili tanggalon ang content, gi-apelar sa user nga nag-report ang desisyon sa Meta. Gisusi sa usa ka moderator ang inisyal nga desisyon ug gisuportahan kini. Ang user kay dayon nag-apelar sa Oversight Board. Sa ilang pamahayag sa Board, nag-ingon ang user nga "makalibog" ang video tungod kay ang giingong pro-Duterte protesta wala nahitabo.

Gipili sa Board kining kaso aron susihon kung giunsa pag-atubang sa mga palisiya ug mga pamaagi sa pagpangtuman sa Meta ang disimpormasyon, labi na kung kini ipang-share sa mga panahon nga taas ang tensiyon sa politika. Ubos sa iyang [Palisiya batok sa Disimpormasyon](#), gina-tanggal sa Meta ang content nga direkta nga nalambigit sa pisikal nga kadaot, ingon man usab sa "pagpanghilabot sa botante o sensus." Para sa ubang mga matang sa disimpormasyon, nagpunting ang kompanya sa "pagpaminos sa pagkaylap niini" ug sa "paghugpong og produktibong panaghisgot." Gawas sa Estados Unidos, mahimong i-refer ang content ngadto sa mga fact-checker. Kini nga kaso nahulog sa sulud sa estratehikong prayoridad [sa Elections ug Civic Space sa Board](#).

Tungod sa pagpili sa Board niining kaso, gi-queue ug usab sa Meta ang orihinal nga post para susihon sa mga fact-checker. Gipasabot sa Meta nga ang katapusang paghukom mahabilin sa diskresyon sa mga fact-checker kung unsang content ang ilang susihon, unsang rating ang ilang ibutang, ug kung giunsa kini ipatuman sa susama ug halos susamang mga content.

Gipasalamatan sa Board ang mga pampublikong komento nga motubag sa mosunod:

- Mga bag-ohang uso sa pagkatag sa politikal nga disimpormasyon sa Pilipinas ug kung giunsa niini paghulma ang pampublikong reaksiyon sa kasamtangang mga hitabo
- Ang sakop, igo, ug epekto sa mga palisiya sa Meta batok sa politikal nga disimpormasyon.



- Giunsa pag-apekto sa third-party nga fact-checking ang kagawasan sa pagpamulong ug ubang katungod pantawo sa mga diskusyon nga may kalabotan sa pampublikong kahinungdanon.
- Giunsa ug hatag ug prioridad sa mga third-party nga fact-checker ang content alang sa pagsusi ug pag-atubang sa susama ug halos susamang mga content sa mga post nga na-fact-check na.
- Pagsiksik sa mga epekto sa programa sa third-party nga fact-checking, ingon man alternatibo o komplementaryong mga lakang.

Bahin sa ilang mga desisyon, mahimo usab nga maghatag ang Board og mga rekomendasyon sa palisiya sa Meta. Bisan dili obligado sundon ang mga rekomendasyon, kinahanglan motubag ang Meta niini sulod sa 60 ka adlaw.. Tungod niini, dawaton ug gipasalamatan sa Board ang mga pampublikong komento nga nagmugna og mga rekomendasyon nga may kalabotan sa kini nga kaso.